

HASiL/2026/01/05 - 02

**KONSESI PENGENAAN PENALTI KE ATAS NOTIS BAYARAN ANSURAN
(CP500) BAGI INDIVIDU YANG MENERIMA PENDAPATAN PENGGAJIAN**

CYBERJAYA, 05 JANUARI 2026 – Susulan daripada Perutusan Tahun Baharu 2026 yang diumumkan oleh YAB Perdana Menteri, Lembaga Hasil Dalam Negeri Malaysia (HASiL) ingin memaklumkan bahawa pembayar cukai individu yang menerima Notis Bayaran Ansuran (CP500) **tidak akan dikenakan penalti dalam tahun 2026**.

Langkah ini diambil lanjutan persetujuan pihak Kerajaan untuk memberikan tempoh peralihan kepada pembayar cukai individu yang mempunyai **pendapatan daripada punca pengajian DAN juga bukan pengajian seperti sewa, faedah dan royalti** bagi pematuhan CP500 untuk Tahun Taksiran (TT) 2026.

Dalam tempoh peralihan ini, **tiada penalti akan dikenakan** sekiranya pembayar cukai tidak membuat bayaran ansuran CP500 tersebut. Walau bagaimanapun, pembayar cukai digalakkan untuk membuat bayaran ansuran CP500 secara sukarela bagi membantu mengurangkan beban bayaran baki cukai semasa pemfailan Borang Nyata Cukai Pendapatan (BNCP) kelak.

Selaras dengan konsesi pengenaan penalti yang diumumkan, tiada keperluan untuk pembayar cukai yang hanya mempunyai punca pendapatan penggajian sahaja untuk mematuhi arahan bayaran ansuran tersebut. Namun demikian, pembayar cukai dinasihatkan supaya mengemas kini pelaporan penerimaan pendapatan dalam BNCP bagi TT 2025 untuk mengelakkan penerimaan arahan bayaran ansuran CP500 pada masa hadapan.

Pihak HASiL juga akan menghubungi pembayar cukai yang terlibat untuk menjelaskan sebarang kesilapan pelaporan pendapatan dalam BNCP yang telah dikemukakan oleh pembayar cukai sebelum ini.

Bagi pembayar cukai yang ingin membuat pindaan amaun CP500 melalui **Borang Permohonan Pindaan Bayaran Ansuran (CP502)** berdasarkan anggaran pendapatan dan cukai kena dibayar bagi TT 2026, pembayar cukai boleh membuat pindaan kali pertama tidak lewat daripada 30 Jun 2026 dan pindaan kali kedua tidak lewat daripada 31 Oktober 2026.

Sebagai panduan dan rujukan, maklumat berhubung CP502 dan Nota Penerangan CP502 boleh diakses dan dimuat turun dengan mengikuti langkah mudah berikut:

- i. Layari portal rasmi HASiL di www.hasil.gov.my;
- ii. Klik Menu **Borang > Muat Turun Borang > Lain-Lain Borang > Borang Permohonan Pindaan Bayaran Ansuran (CP502) / Nota Penerangan CP502**; atau

iii. Capaian pantas di pautan: **Borang Permohonan Pindaan Bayaran Ansuran (CP502) dan Nota Penerangan CP502**

- <https://www.hasil.gov.my/media/lvaduqs5/borang-cp502.pdf>
- <https://www.hasil.gov.my/media/xejj2kk0/nota-penerangan-cp502.pdf>

HASiL menyarankan pembayar cukai melaporkan pendapatan dalam BNCP dengan betul dan tepat bagi memastikan pengurusan cukai yang lebih cekap dan teratur. HASiL komited untuk terus memperkasakan sokongan dan bimbingan kepada pembayar cukai bagi memudahkan pelaksanaan tanggungjawab percukaian secara telus dan efisien.

Sebarang pertanyaan serta maklum balas, sila hubungi kami menerusi:

- a) Hasil Contact Centre (HCC) di talian 03-8911 1000 / 603-8911 1000 (Luar Negara);
- b) HASiL Live Chat; dan
- c) Borang Maklum Balas di portal rasmi HASiL di pautan pantas <https://maklumbalaspelanggan.hasil.gov.my/Public/>

SEKIAN, TERIMA KASIH.

Dikeluarkan oleh:

Jabatan Khidmat Korporat

Lembaga Hasil Dalam Negeri Malaysia

Hasil Contact Centre: 03-8911 1000 / 603-8911 1000 (luar negara)

Portal Rasmi : www.hasil.gov.my

Tarikh: 05 Januari 2026